

Javna ustanova Opća bolnica  
„Prim.dr. Abdulah Nakaš“  
Upravni odbor  
Broj: 43-25/20  
Sarajevo, 27.01.2020.godine

Na osnovu člana 20. Statuta Javne ustanove Opća bolnica “Prim.dr. Abdulah Nakaš”, člana 36. Poslovnika o radu Upravnog odbora Javne ustanove Opća bolnica “Prim.dr. Abdulah Nakaš”, Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo (“Službene novine Kantona Sarajevo“ broj 52/19), Upravni odbor Javne ustanove Opća bolnica “Prim.dr. Abdulah Nakaš”, Sarajevo na 13. (trinaestoj) vanrednoj sjednici održanoj dana 29.01.2020.godine, donosi:

## **ODLUKU**

**o**

### **privremenom uvećanju koeficijenata za obračun plaće za doktore medicine Javne ustanove Opća bolnica “Prim.dr. Abdulah Nakaš” Sarajevo**

#### **Član 1.**

Odobrava se privremeno uvećanje koeficijenta složenosti poslova doktora medicine za grupe složenosti poslova utvrđenih u članu 37. Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo za dodatnih 0,3, odnosno 0,2 kako slijedi:

Zanimanje I grupe – koeficijent složenosti 4,6

Zanimanja odnosno poslovi za koja je potrebna visoka stručna sprema, doktor medicine.

Zanimanja II grupe – koeficijent složenosti 5,4

Zanimanja odnosno poslovi za koja je potrebna visoka stručna sprema, doktor medicine i specijalizacija.

Zanimanja III grupe – koeficijent složenosti 5,5

Zanimanja odnosno poslovi za koja je potrebna visoka stručna sprema, doktor medicine sa preko 10 godina specijalističkog staža.

Zanimanja IV grupe – koeficijent složenosti 5,6

Zanimanja odnosno poslovi za koja je potrebna visoka stručna sprema, doktor medicine sa subspecijalizacijom.

#### **Član 2.**

Sredstva za isplatu utvrđena ovom Odlukom obezbjeđena su od strane ZZOKS.

Realizacija ove Odluke izvršavati će se do iznosa doznačenih od strane ZZOKS za mjesec novembar i decembar 2019. godine, kao i za svaki naredni mjesec.

#### **Član 3.**

Odluka je privremenog karaktera, te ista važi do isteka važnosti Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo (“Službene novine Kantona Sarajevo“ broj 52/19).

#### Član 4.

Obavezuje se Odjeljenje za ekonomsko – finansijske poslove da realizuje Odluku.

#### Član 5.

Odluka stupa na snagu danom donošenja, a ista se primjenjuje od 01.11.2019.godine.

### O b r a z l o ž e n j e

Upravni odbor Javne ustanove Opća bolnica "Prim.dr. Abdulah Nakaš" na vanrednoj sjednici održanoj dana 29.01.2020. godine, na prijedlog menadžmenta Bolnice a na osnovu Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo ("Službene novine Kantona Sarajevo" broj 52/19), odlučio je da usvoji privremenu odluku o uvećanju koeficijenta složenosti poslova koeficijenata doktora medicine za dodatnih 0,3, odnosno 0,2 za doktore sa 10 godina radnog staža bez subspecijalizacije.

Članom 1. ove Odluke propisano je da se odobrava privremeno uvećanje koeficijenata složenosti poslova doktora medicine za tri grupe složenosti poslova utvrđenih članom 37. Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo za dodatnih 0,3, a za jednu grupu složenosti 0,2 – doktori sa 10 godina specijalističkog staža bez subspecijalizacije, a sve u skladu sa članom 37. navedenog Kolektivnog ugovora.

Nadalje je utvrđeno članom 3. da je Odluka privremenog karaktera, te ista važi do isteka važnosti Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo ("Službene novine Kantona Sarajevo" broj 52/19).

Obzirom na sve okolnosti i trenutnu situaciju, te uzimajući u obzir činjenicu da je navedeni Kolektivni ugovor objavljen u „Sl. novinama KS“ br. 52/19 od 31.12.2019. godine, a isti se primjenjuje retroaktivno od 01.11.2019. godine, imalo se osnova u ovom momentu pristupiti donošenju ove privremene Odluke.

Shodno svemu navedenom, odlučeno je kao u dispozitivu.

#### PRIPREMILI:

Ibrahim Kasumović, dipl.ecc  
Šef Odjeljenja za ekonomsko-finansijske poslove

Senada Sitnić, dipl.iur.  
Šef Odjeljenja za pravne, kadrovske i opće poslove

#### DOSTAVITI:

- Kabinet direktora
- Upravni odbor
- Odjeljenje za ekonomsko-finansijske poslove
- Odjeljenje za pravne, kadrovske i opće poslove
- a/a



Predsjednik Upravnog odbora  
Dr. Sead Zeljo